



Skigruppa i UIL fekk 17.500 kr

Kvinherad idrettsråd har oppretta eit idrettsstipend for Kvinherad, og no er den første tildelinga gjort. Dette gjeld den delen av stipendet som skal premiere breiddetiltak for barn og ungdom i dei lokale idrettslaga.



Kvinnherad handballklubb fekk 15.000 kr. Bilde frå ferieklubben 2016

Stipendet skal støtte opp om tiltak som gir barn og ungdom idrettsglede og trivsel og som gjer det attraktivt å delta i idrett. Stipendet skal også bidra til samarbeid mellom idrettslag om arrangement, treningstilbod og liknande for barn og ungdom. Breiddestipendet er bygd opp av lokale aktivitetsmidlar gjennom spelemiddelordninga.

I 2016 har det kome tre søknadar om breiddestipend. Alle søknadane stettar kriteria for tildeling, og felles for tiltaka er at dei utgjer ei ekstra satsing for gjere det attraktivt å vera med på idrett og senka terskelen for deltaking. Kvinnherad idrettsråd har såleis delt breiddestipendet på dei tre søkjarane på denne måten:

Kvinnherad handballklubb: Kr. 15.000,- til ferieklubb og handballskule for barn i 2016 og 2017.

Rosendal rideklubb: Kr. 17.500,- til kjøp av utstyr for utlån under arrangement og leige av instruktør.

Uskedal idrettslag: Kr. 17.500,- til kjøp av utstyr for skitrening.

Styret i Kvinnherad idrettsråd gir søkjarane honnør for arbeidet som vert lagt ned i deira breiddesatsing og ønskjer lukke til med gjennomføringa!

Idrettsrådet vil i tida frametter freista å få til eit samarbeid med verksemder i Kvinnherad for også å kunne finansiere eit elitestipend som skal premia oppnådde resultat og stimulera til vidare satsing.

Meir om stipenda både for breidde og elite kan ein sjå her: <http://kvinnheradidrettsrad.no/idrettstipend>



Rosendal rideklubb fekk 17.500 kr

Tekst: Kvinnherad idrettsråd, Anbjørn Høivik, leiar.

Foto: Uskedal idrettslag, Kvinnheringen og Merete Lillesand

Nett: Thor Inge Døssland